

Ráiteas Slánchumhdach Leanaí Oidhreacht Chorca Dhuibhne/Tús Maith/Tobar Dhuibhne

Cuireann Oidhreacht Chorca Dhuibhne ('OCD') cúrsaí/imeachtaí/ocáidí ar fáil i nGaeltacht Chorca Dhuibhne do pháistí, do dhaltáí agus do dhaoine fásta.

De réir na gceanglas san Acht um Thús Áite do leanaí 2015, Tús Áite do Leanaí: Treoir Náisiúnta 2017 agus Treoir Thusla maidir le Ráitis maidir le Cumhdach Leanaí a chur le chéile, dearbhaíonn Stiúrthóir OCD leis an Ráiteas maidir le Cumhdach Leanaí atá leagtha amach sa cháipéis seo.

1. Is é an Duine Idirchaidrimh Ainmnithe (DIA) ná: Páidí Ó Sé
2. Is í/é an Leas – Duine Idirchaidrimh Ainmnithe (D.DIA) ná: Riarthóir na hOidhreachta, Stiúrthóir Tús Maith agus feidhmeannach Tobar Dhuibhne.
3. Cinntíonn Stiúrthóir OCD go bhfuil cúrsaí cosanta agus leasa leanaí lárnach i ngach gné d'imeachtaí OCD, agus nach mór é sin a léiriú i ngach ceann de pholasaithe, nósanna imeachta, cleachtais agus gníomhaíochtaí OCD. Chomh maith lena bpolasaithe, nósanna imeachta, cleachtais agus gníomhaíochtaí, cloífidh OCD leis na prionsabail seo a leanas den dea-chleachtais maidir le cosaint leanaí agus leas leanaí.

Prionsabailchunslánchumhdachleanaíachuribhfeidhm

Léiríonn an ráiteas seo gurb iad leas agus sláinte na leanaí an ghné is tabhachtaí i ngach cúinse. In ainneoin inscne, stádas pósta, stádas clainne, claonadh gnéis, reiligiún, aois, míchumas, cine agus ball don lucht taistil, is eispéireas dearfach a bhíonn ag gach leanbh i dtimpeallacht shábháilte Oidhreacht Chorca Dhuibhne, atá lárnaithe ar shabháltacht an linbh.

Tá sí mar aidhm ag OCD na leanaí a choimeád saor ó bhulaíocht agus iad ag baint feidhm as seirbhísí na hOidhreachta. Cinntíonn an Oidhreacht go ndéantar athbhreithniú ar an bpolasaí bulaíochta gach dara bliain.

Déanfaidh Oidhreacht Chorca Dhuibhne:

- Glacadh leis go bhfuil cosaint leanaí agus leas leanaí ana-thabhtach.
- Obair go h-iomlán de réir na dualgaisí reachtúla faoin Acht um Thús Áite do leanaí 2015 agus le reachtaíochtaí eile a bhaineann le tús áite a thabhart do shábháltacht linbh.
- I ndlúthchomhar leis na húdarais reachtúla ábhartha maidir le cosaint agus leas leanaí.
- Gnásanna sábháilte a ghacadh chugainn féin dá dtarlóidh díobháil nó timpiste do leanbh a mhaolú agus lucht oibre a chosaint ó drochúsáid nó fillí ina leith, dá más gá.
- Caithear urraim a léiriú is sin ag plé cúrsaí cosanta leanaí agus meas ar riachtanais príobháideachais.

MeasúnúRiosca

<u>AnRiosca</u>	<u>PolasaitheibhfeidhmchunpléiseanRiosca</u>
Riosca díobhála de bharr bulaíochta	Tá Beartas Frithbhulaíochta an Comharchumann Chorca Dhuibhne i bfeidhm
Riosca ionsaí gnéis ar leanbh (atá leagtha amach san Acht um Thús Áite do leanaí 2015) ó bhall den fhoireann nó oibrí deonach	Polasaí Slánchumhdach Leanaí; Déanfar grinnfhiosrúcháin ar gach oibrí deonach, oiliúnt riachtanach slánchumhdach reachtáltha, Cuirfear athoiliúint agus grinnfhiosrúcháin ar gach duine fásta gach trí bliana.
Riosca díobhála	Cód dea-chleachtais.

fisiciúil/síceolaíochta/mothúchánach (maidir le Acht um Thús Áite do leanaí 2015) ar leanbh ó bhall foirne/oibrí deonach	
Riosca díobhála agus drochíde as baile i rith an chúrsa	Cód dea-chleachtais.
Riosca díobhála ar líne tríd na meáin shoisialta	Polaisí sábháilteachta ar líne curtha i bhfeidhm thar na greasáin meáin shoisialta ar fad (cód dea-chleachtais).

Cloífidh OCD leis na prionsabail thuas

4. Tá na nósanna imeachta seo a leanas i bhfeidhm san Oidhreacht:

- I gcas baill ar bith den fhoireann is ábhar d’iniúchadh ar bith (pé slí a dtuairiscítear é) i leith aon ghnímh, neamhghnímh nó cúinse i leith linbh atá ag freastal ar an chúrsaí/imeachtaí, cloíonn OCD leis na nósanna imeachta atá leagtha amach i bpolasaithe OCD.
- Maidir le ceapadh baill foirne agus lena n-oiriúnacht chun oibriú le leanaí, cloíonn OCD le riachtanais reachtúla grinnfhiosrúcháin na nAchtanna um an mBiúró Náisiúnta Grinnfhiosrúcháin (Leanaí agus Daoine Soghonta), 2012 go 2016, agus leis na treoireacha maidir leis an dualgas cúraim atá leagtha sna ciorcláin ábhartha de chuid an Garda a bhaineann le grinnfhiosrúchán agus earcaíocht agus atá foilsithe ag an ROE agus le fáil ar shuíomh idirlín an ROE. Bíonn ar gach duine an Cúrsa ‘Children First Training’ a bheith comhlánaithe acu.
- Maidir le soláthar an eolais agus sonraí pearsanta agus, áit is gá, an teagaisc agus na hoiliúna do lucht foirne chun dul i ngleic le haon díobháil (mar a shainmhínítear í in Acht 2015) tarlaithe dhein an Oidhreacht na nithe seo a leanas –
 - Thug an Oidhreacht Cóip de Ráiteas na hOidhreacht maidir le Cumhdach leanaí do gach ball den bhfoireann
 - Tugann OCD cóip den Ráiteas maidir le Cumhdach Leanaí ar fáil do gach ball nua den bhfoireann
 - Caithfidh gach ball foirne teastas ‘Children First Training’ a chur ar fáil do bhainistíocht OCD
 - Coimeádann Stiúrthóir OCD taifid d’aon oiliúint a chuirtear ar an lucht foirne.
- I dtaobh cosaint leanaí a thuairisciú do Thusla, caithfidh gach ball foirne agus aon duine bainteach leis an ineacht/cúrsa, cloí leis na nósanna imeachta a bhaineann le tuairisciú sainordaithe faoin Acht um Thús Áite do Leanaí 2015.
- Maidir le haon ráiteas i dtaobh cosaint leanaí, tá an DIA thuasluaite ceapaithe ag an mbord mar an ‘duine cuí’ (mar a shainmhínítear sin san Acht um Thús Áite do leanaí 2015) agus a bheidh mar an chéad duine teagmhála i leith aon ráiteas don tsórt.
- Daoine sainordaithe is ea gach múinteoir cláraithe atá fostaithe ag OCD, chomh maith le Bainisteoirí agus Stiúrthóirí OCD/Tús Maith/Tobar Dhuibhne, faoin Acht um Thús Áite do Leanaí 2015.
- De réir an Achta um Thús Áite do Leanaí 2015, tá measúnacht curtha i gcrích ag na Stiúrthóirí maidir leis an mbaol go mbainfeadh díobháil fhéideartha ar bith do scoláire ag freastal ar Oidhreacht Chorca Dhuibhne. Tá measúnacht scríofa leis seo ina leagtar amach na réimsí riosca a sonraíodh agus nósanna imeachta OCD chun na rioscaí sin a bhainistiú mar aguisín leis na nósanna imeachta seo.

5. Tá an ráiteas seo tugtha do gach ball foirne OCD agus do gach duine eile a bhíonn bainteach le scolairí de chuid OCD. Tá sé ar fáil do thuismitheoirí agus caomhnóirí. Cuirfear cóip den Ráiteas seo ar fáil do Thusla agus don Roinn ar líne.
6. Athbhreithneofar an Ráiteas ar slánchumhdach leanaí go bliantúil nó nuair atá sé riachtanach athrú ábhartha a dhéanamh ar an ráiteas.
7. Tá ár bpolasáí Slánchumhdach leanaí forbartha i dtreoir le riachtanais an Acht um Thús Áite do leanaí 2015, Tús Áite do Leanaí: Treoir Náisiúnta 2017 agus Treoir Thusla. Tacaíonn na polasaithe thuasluaite leis go gcaithfidh agus go bhfuil slánchumhdach leanaí lárnach d'aon leanbh atá ag baint leasa as seirbhísí a chuireann Oidhreacht Chorca Dhuibhne ar fáil.

Ghlac Stiúrthóirí Oidhreacht Chorca Dhuibhne leis an Ráiteas seo maidir le Slánchumhdach Leanaí ar 15ú Bealtaine 2019.